

ჩემპიონატი

თბილისის დინამოელებმა მოიგეს სარევანშო მატჩი (ლენინგრადი, ელვა, ჩვენი სპეც. კორესპონდენტისაგან)

27 აგვისტოს თბილისის დინამოელებმა მორიგი მატჩი სსრკ პირველობაზე ფეხბურთში ჩაატარეს ლენინგრადის სტადიონზე ამავე ქალაქის “ელექტრიკთან”.

შეჯიბრებას, რომელიც სპორტულად საინტერესო იყო, დაესწრო 30.000 მეტი მაყურებელი. პირველი ბურთი ტაიმის პირველსავე წუთზე თბილისელთა კარში გაიტანა არტემევმა. მიუხედავად მწვავე ბრძოლისა, 28-ე წუთამდე ანგარიში არ შეცვლილა. 28-ე წუთზე კუთხური დარტყმით ხარბედია ათანაბრებს ანგარიშს, ხოლო 36-ე და 39-ე წუთზე პაიჭაძისა და ბერეჟნოის ძლიერი შუტებით ორჯერ ირხევა “ელექტრიკის” ბადე. შეჯიბრების პირველი ნახევარი მთავრდება თბილისელთა სასარგებლოდ (3:1).

მეორე ტაიმში კვლავ ლენინგრადელები ხსნიან ანგარიშს (ლემეშევი), ხოლო რამდენიმე წუთის შემდეგ კი პაიჭაძეს გააქვს 2 ბურთი.

სარევანშო მატჩი სსრკ პირველობაზე ლენინგრადის “ელექტრიკთან” დამთავრდა თბილისის “დინამოს” ბრწყინვალე გამარჯვებით, ანგარიშით – 5:2.

“ახალგაზრდა კომუნისტი”, 28 აგვისტო, 1939 წ.